



Kajitōk ko Rekut kin Wā in Kakajur eo an COVID-19

(Emōj kōkkāal melele 01-11-2022)

K. Emōj ke rōjañ ad bōk wā in kakajur ko an COVID-19?

Aet. Obij eo ej bōk eddon kejbarok im bōbrae jen nañinmij (CDC) ej rōjañ an aoleb ro 12 aer yiō im rūttolok bōke juon wā in kakajur ilo ien eo remaron tōbrak: lalem allon alikin aer bōk wā eo an Pfizer ak Moderna kein karuo, ñe ejab ruo allon alikin wā eo an Johnson & Johnson. Armij ro 12-17 an yiō remaron wōt tōbrak in bōke wā eo an Pfizer.

K. Ewōr ke juon ien kattar alikin aer bōke juon wā in kakajur?

Aet. Rej aikuj lale armij ñe enaj kaju walok abnōnō ko ibbeir iomwin 15-30 minit alikin aer wā.

K. Ia eo armij remaron bōke wā in kakajur?

Elab an lōñ wā in kakajur ko ilo jikin wia wuno ko, obij ko an taktō, im jikin taktō ko, einwōt an wōr wā eo an COVID-19 rainnin. Kōjberbal [mab in kabōk](#) jikin eo ej lewaj wā iturim ñe ejab kūrlok 211 ak 866-698-6155 ñan melele im jibañ ilo jabdewōt kajin. Kein kamool maron tōbrak ejab mennin aikuj, bōtab jet taktō ak jikin ko rej lewaj wā remaron kajitōk kein kamool ilo jeje.

K. Ewi wāween an wā in kakajur ko jermal?

Mōttan wā eo kein kajuon ej kōmman an kajuon kein bōbrae an enbwīn ñan kōmmane antibody ko aikuj ñan manne nañinmij. Iomwin ien, enaj mōjno an jikin bōbrae eo an enbwīn kōmadmōd. Juon wā in kakajur ej jinoe madmōd eo kein kajuon im ekkā an jemlok ilo joñan antibody ko relablok im rej jibañ an armij kejbarok an aitōklok aer maron bōbrae jen nañinmij.

K. Wā in kakajur eo oktak ke jen wā in COVID-19 ko jet?

Wā in kakajur eo an Moderna jimetan joñan; melelein jimetan joñan wā in Moderna eo jen joñan ko ilo wā ko an kein kajuon im kein karuo. Ewōr wōt juon oktak.

Ejellok oktak ikōtaan wā ko kein kajuon, kein karuo, ak kakajur an Pfizer ak Johnson & Johnson.

K: Armij eo emaron tōbrak in bōke wā eo kein kajilu im wā in kakajur ej ke aikuj bōk aoleben wā kein?

Aet. [CDC ej rōjañ](#) an armij ro emojno an enbwinnier maron bōbrae jen nañinmij im rar bōke wā eo aer kein kajilu remaron bar bōke wā in kakajur eo. Wā eo an Pfizer ak Moderna kein kajilu emōj rōjañ ñan ro emojno an enbwinnier maron bōbrae jen nañinmij im ear jab kajur an enbwinnier maron bōbrae jen nañinmij kin wā ko aer jinoin. Wā ko kein kajilu rej lelok 28 raan ak lablok alikin wā eo kein karuo. Innem, lalem allon tokelik elañe rar bōk e Pfizer ak Moderna, kinke emaron diklok an enbwinnier maron bōbrae jen nañinmij, armij rein remaron tōbrak ñan wā in kakajur—im enaj wā eo aer kein kemen.

Kajojo armij ro emojno an enbwinnier maron bobrae jen naniinmij im rar bōke wā eo an Johnson & Johnson einwōt wā eo aer kein kajuon; bōtab rej aikuj bōke wā in kakajur eo jen jabdewōt wā kein jilu ruo allon tōkelik ñan kōlablok aer maron bōbrae im kejbarok jen nañinmij eo.

K: Ta eo ro rej lelok wā rej aikuj jelā kin kejbarok im kōjellā alikin aer lelok wā in kakajur?

Ro rej lelok wā rej aikuj lale an wōr kejbarok ko ilo makūtkūt in wā ko, ekoba abnōnō ko rej walok alikin wā. Emōj rōjañ an ro rej lelok wā kōjellā kin abnōnō ko rej walok alikin wā ñan jikin melele in kōjellā kin abnōnō ko rej walok jen wā (Vaccine Adverse Events Reporting Database, VAERS). <https://vaers.hhs.gov>

K: Enaj ke bwe wā ko ilo Oregon ñan kōtōbrak aikuj in?

Aet. Kwōmaron bōke wā in kakajur eo ilo juon jikin ebidodo am etal ñane (jikin wia wuno, obij an taktō, jikin kejbarok eo iomwin ien aitōk, jikin wā eo elab ilo jet jikin ko). Jouj im kijenmij. Kwōmaron aikuj kōmmāne juon ien am etal. Bōtab jab inebata - wā in Pfizer eo am ilo tōrre in ej lewaj wōt kejbarok eo elabtata jen nañinmij in COVID-19 eo ekauwōtata.

K: Iar bōke juon wā an Moderna im juon wā an Pfizer. Wā in kakajur ta eo ij aikuj bōke?

Armij ro rej bōke ekkarare in wā remaron bōke wā in kakajur eo an Pfizer ak Moderna. Ak kwōmaron bar kelet in bōke juon wā eo an Johnson & Johnson. Kenono ibben taktō eo am elañe ebar wōr am abnōnō.

K: Iar bōke Johnson & Johnson. Ñe inaj bōke wā in kakajur eo an Pfizer ak Moderna, ij ke aikuj ro wā?

Jab. Juon wā in kakajur eo ej juon wā ñan aoleb wā ko jilu, innem kwōj aikuj wōt juon wā lablok alikin wā in Johnson & Johnson eo am kein kajuon: aoleben wā eo an Pfizer ak Johnson & Johnson, ak jimetan in wā eo an Moderna.

K: Jinen ak jemen ak rikejbarok eo aikuj ke etal ibben ajiri eo nejeir 15- 17 an yiō ñan aer bōke wā in kakajur eo an?

Jab. Iomwin kakien eo an Oregon, jodikdik ro 15 aer yiō im rūttolok remaron lelok kōmelim ko aer ñan bōk kōmadmōdin taktō, ekoba wā ko, im juon taktō, taktō in rijibañ, taktō ko rejab lelok uno, nōōj, taktō in ni ak taktō in māj, ak ro jet rej kōmadmōd

iomwin laijen ko an rijerbal in ejmour rein, im ejellok kōmelim jen jinen, jemen, ak rikejbarok.

K: Armij rej ke aikuj lelok kein kamool in wā ñan bōk wā in kakajur?

Jab. Botab, taktō eo am emaron kajitōk ibbam ñaat eo kwar bōke wā eo am aliktata, bwe rej aikuj kar lewaj iloan juon ien eo emōj kōmelim. Aoleb ro rej lelok wā rej aikuj lale kein jerbal eo an ALERT nan lale elañe ekkar ien aer wā.

Maroñ loe beba in: Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wāween ko jet einwōt ukok ko, jeje kileb, ak jeje ko an ribilo. Kebaak Jikin Bōk Melele kin COVID-19 ilo 1-971-673-2411, 711 TTY ak COVID19.LanguageAccess@dhsosha.state.or.us.